



---

**ADRODDIAD I FWRDD UCHELGAIS ECONOMAIDD GOGLEDD CYMRU**  
**14 Chwefror, 2025**

---

**TEITL:** Penodi SRO y Cynllun Twf ac Aelodau Arweiniol

**AWDUR:** Alwen Williams, Cyfarwyddwr Portffolio

**1. PWRPAS YR ADRODDIAD**

1.1. Pwrpas yr adroddiad yw cyflwyno diwygiadau arfaethedig i strwythurau llywodraethu'r Cynllun Twf gan gynnwys penodi Uwch Berchennog Cyfrifol newydd (SRO) ar gyfer y Cynllun Twf.

**2. Y PENDERFYNIAD A GEISIR**

2.1. Bod y Bwrdd yn cytuno i'r egwyddor y dylid gwahanu rolau'r Uwch Berchennog Cyfrifol a Chyfarwyddwr Portffolio (yn amodol ar gyngor Adnoddau Dynol) a'u cyflawni gan wahanol unigolion a nodi'r rhaniad arfaethedig o ddyletswyddau a chyfrifoldebau fel y nodir yn Atodiad 1.

2.2. Bod y Bwrdd yn gofyn am enwebiad gan un o chwe Phrif Weithredwr yr awdurdodau lleol i weithredu fel Uwch Berchennog Cyfrifol (SRO) ar gyfer Cynllun Twf Gogledd Cymru gyda'r bwriad o gadarnhau'r penodiad hwn yn y cyfarfod nesaf.

2.3. Bod y Bwrdd yn cytuno ar y newidiadau i gyfrifoldebau Aelodau Arweiniol ar draws y Cynllun Twf fel y nodir yn mhwynt 6.

**3. Y RHESYMAU DROS Y PENDERFYNIAD**

3.1. Ceisio cymeradwyaeth y Bwrdd Uchelgais Economaidd i wahanu rôl yr SRO a Chyfarwyddwr Portffolio mewn ymateb i'r gofyniad newydd gan y llywodraeth.

**4. CEFNDIR**

4.1. Mae Cynllun Twf Gogledd Cymru yn gytundeb rhwng Llywodraeth y DU, Llywodraeth Cymru a Bwrdd Uchelgais Economaidd Gogledd Cymru i gyflawni buddsoddiad trawsffurfiol o £1biliwn i economi Gogledd Cymru. Nod y Cynllun Twf yw adeiladu economi mwy bywiog, cynaliadwy a gwydn yng Ngogledd Cymru, gan adeiladu ar ein cryfderau i roi hwb i gynhyrchedd wrth fynd i'r afael â heriau a rhwystrau economaidd hirdymor i gyflawni twf cynhwysol.

4.2. Yn unol â chytundeb terfynol y Cynllun Twf, mae strwythur llywodraethu rheoli portffolio, rhaglenni a phrosiectau wedi'i sefydlu i oruchwylio'r gwaith o gyflawni'r Cynllun Twf. Mae hyn yn cynnwys cael Uwch Berchennog Cyfrifol (SRO) ar gyfer y Cynllun Twf ac Aelodau Arweiniol ar draws y rhaglenni.

- 4.3. Yn y pen draw, mae'r Bwrdd Uchelgais Economaidd (neu'r Cyd-bwyllgor Corfforedig ar ôl trosglwyddo) yn atebol am gyflawni amcanion Cynllun Twf Gogledd Cymru, gan gyflawni'r canlyniadau a ragwelir a gwireddu'r buddion gofynnol. Mae'r SRO yn atebol i'r Bwrdd Uchelgais Economaidd am gyflawni'r cwmpas ac amcanion y portffolio y cytunwyd arnynt.

## 5. UWCH BERCHENNOG CYFRIFOL

- 5.1. Mae rôl SRO wedi'i chyflawni gan Alwen Williams ers dechrau'r Cynllun Twf ochr yn ochr â'i chyfrifoldebau Cyfarwyddwr Portffolio. Mae gofynion newydd a nodwyd gan Lywodraeth Cymru a Llywodraeth y DU fel cyllidwyr y Cynllun Twf bellach yn ei gwneud yn ofynnol i'r rolau hyn gael eu gwahanu a'u cyflawni gan wahanol unigolion i gynyddu atebolrwydd a darparu capasiti arweinyddiaeth ychwanegol.
- 5.2. Y cynnig yw penodi un o'r chwe Prif Weithredwr awdurdodau lleol i weithredu fel Uwch Berchennog Cyfrifol (SRO) ar gyfer Cynllun Twf Gogledd Cymru. Ystyrir y cynnig hwn yn estyniad naturiol i rôl y Prif Weithredwr Arweiniol anffurfiol presennol y mae Dylan Williams, Prif Weithredwr Cyngor Sir Ynys Môn wedi bod yn ymgymryd â hi i gefnogi'r Cyfarwyddwr Portffolio.
- 5.3. Mae'r SRO a'r Cyfarwyddwr Portffolio yn atebol i'r Bwrdd Uchelgais Economaidd am gyflawni Cynllun Twf Gogledd Cymru gyda'r rhaniad atebolrwydd penodol a nodir yn Atodiad 1. Mae hyn hefyd yn cynnwys rhai cyfrifoldebau sy'n aros gyda Prif Weithredwr yr awdurdod lletya (neu'r CBC ar ôl trosglwyddo'r Cynllun Twf) gan mai cyfrifoldebau statudol y Prif Weithredwr yw'r rhain.
- 5.4. Nodir llythyr penodi drafft ar gyfer yr SRO yn Atodiad 2.

## 6. ROLAU ARWEINIOL

- 6.1. Ers sefydlu'r Cynllun Twf, mae pump o arweinyddion y Cyngor wedi ymgymryd â rolau arweiniol ar gyfer pob un o feysydd rhaglenni'r Cynllun Twf i ddarparu cysylltiad rhwng y Bwrdd a'r Byrddau Rhaglenni. Roedd y chweched Arweinydd yn eistedd ar yr is-bwyllgor Trafnidiaeth.
- 6.2. Gyda sefydlu'r Is-bwyllgor Trafnidiaeth Strategol o fewn y CBC nid oes gofyniad mwyach ar gyfer y rôl hon o fewn y Bwrdd Uchelgais, gan roi cyfle i adolygu'r trefniant hwn.
- 6.3. Y cynnig diwygiedig yw nad yw Cadeirydd y Bwrdd Uchelgais Economaidd bellach yn ymgymryd â Rôl Arweiniol i ganiatáu i'r Cadeirydd ganolbwyntio ar faterion strategol a chyflawni'r Cynllun Twf yn gyffredinol gyda'r Rolau Arweiniol wedi'u rhannu rhwng y pum Arweinydd arall. Mae'r dyraniad arfaethedig wedi'i nodi isod ac mae'n cynrychioli cymysgedd o benodiadau newydd a threfniadau sy'n parhau:

Rhaglen	Aelod Arweiniol
Bwyd-Amaeth a Thwristiaeth	Y Cynghorydd Charlie McCoubrey
Arloesi mewn Gweithgynhyrchu Uwch	Y Cynghorydd Dave Hughes
Tir ac Eiddo	Y Cynghorydd Jason McLellan
Ynni Carbon Isel	Y Cynghorydd Gary Pritchard
Digidol	Y Cynghorydd Nia Jeffreys

## 7. GOBLYGIADAU ARIANNOL

7.1. Nid oes unrhyw oblygiadau ariannol i'r papur hwn.

## 8. GOBLYGIADAU CYFREITHIOL

8.1. Mae'r cynnig yn ymateb i ofyniad clir gan y llywodraeth i gael SRO a Chyfarwyddwr Portffolio ar wahân. Mae rôl yr SRO wedi'i hen sefydlu fel arfer gorau ac mae'n rhan allweddol o ofyniad llywodraethu'r Cynllun Twf. Mae gwahanu'r rolau yn caniatáu mwy o atebolrwydd, gwynnwch a chefnogaeth i gyflawni'r Cynllun Twf.

---

### ATODIADAU:

<b>Atodiad 1</b>	Cyfrifoldebau SRO – Cyfarwyddwr Portffolio – Prif Weithredwr
<b>Atodiad 2</b>	Llythyr penodi drafft ar gyfer yr SRO

---

### YMATEB Y SWYDDOGION STATUDOL:

#### i. Swyddog Monitro:

“Mae hwn yn benderfyniad cychwynol i'r Bwrdd Uchelgais Economaidd ddod i benderfyniad ar wahanu'r rolau Mae'r adroddiad yn darparu model clir ar gyfer gwahanu rôl yr SRO oddi wrth y Cyfarwyddwr Portffolio a nodir natur y dyletswyddau a'r atebolrwydd priodol yn yr atodiad. Mae digon o wybodaeth yn yr adroddiad i'r Bwrdd ddod i farn a phenderfyniad mewn perthynas â'r Cynllun Twf. Mater i'r CBC yw rôl Prif Weithredwr y CBC i'w sefydlu ond mae'r cynnig hwn yn rhoi syniad clir ac arweiniad o sut y byddai'r rôl hon yn rhan o gyflawni'r Cynllun Twf ar ôl trosglwyddo.”

#### ii. Swyddog Cyllid Statudol:

“Mae cyllideb y Cyd-bwyllgor Corfforaethol a fabwysiadwyd ar 17 Ionawr, a'r gyllideb ar gyfer y Cynllun Twf sy'n ymddangos fel eitem ar wahân ar raglen y cyfarfod yma, yn adlewyrchu'r strwythur sy'n ofynnol gan y llywodraethau; mae cynnwys yr adroddiad yma yn rhoi mwy o fanylion ar y gwahanol rolau. Nid oes gennyf sylwadau pellach o safbwynt priodoldeb ariannol.”